

AURREZKLIK &... KONTU BERRIAK IREKITZEA SUSTATZEKO ZOKKETAREN OINARRIAK

1.- Erakunde antolatzailea eta saria

Caja Laboral Popular Coop. de Cr ditok —aurrerantzean LABORAL Kutxa—, F75076935 zenbakidun IFK eta helbidea Arrasaten (Gipuzkoan) —Jose Maria Arizmendiarieta, zk.g., 20500— duenak, nazio-mailako ZOKKETA egingo du, 18 urtetik gorako bezeroen artean AURREZKLIK &... kontu berriak irekitzea sustatzeko, 5. atalean, «parte-hartzaileak» izenekoan, jasotakoaren arabera. Guztira 150 €-ko 3 sari zozkatuko ditu.

2.- Zozketaren esparrua eta doakotasuna

1991ko azaroaren 8ko 4/1991 Legeak, Euskal Autonomia Erkidegoan jokia arautzen duenak, ezarritakoari jarraituz antolatu da zozketa, eta doakoa eta borondatezkoa izango da. Hortaz, saria irabazteko ez da kuotarik edo kopuru osagarririk ordaindu behar.

3.- Zozketaren xedea eta prozedura:

Hiru (3) zozketa egingo dira, eta haietako bakoitzean honako hau izango da saria:

- 150 €, NANA esleitua duen kontu bakoitzeko. Irabazlearen Aurrezklik kontuan ordainduko da zenbatekoa. Honako baldintza eta egintza hauek guztiak bete behar dituzte erabiltzaileek zozketan parte hartzeko:
- 2020ko irailaren 1etik azaroaren 30ra bitartean LABORAL Kutxan AURREZKLIK &... kontua irekitzen duten 18 urtetik gorako bezeroak diren pertsona fisikoek hartuko dute parte zozketan.
- Kontua irekitzen den datan egiaztatu beharko da gutxieneko adina.
- Irabazleak saria onartzeak eskubidea ematen dio LABORAL Kutxari haren izena eta saria eman zaioneko argazkiak argitaratzeko, LABORAL Kutxak egoki deritzen bitarteko telematiko edo inprimatuetan, zozketaren emaitza ezagutarazteko xedez.

4.- Iraupena eta eremua

Jarduera Espainiako lurraldean gauzatuko da.

Zozketan parte hartzeko epea 2020ko irailaren 1ean hasi eta azaroaren 30n amaituko da, biak barne.

5.- Parte-hartzaileak

Honako hauek hartu ahal izango dute parte zozketan:

– Espainian bizi diren 18 urtetik gorako pertsona fisikoek, baldin eta AURREZKLIK &...kontua irekitzen badute.

Honako hauek ezingo dute parte hartu zozketan:

– LABORAL Kutxako langileek, ezta taldeko, partaidetzako eta antzeko sozietateetakoek eta kanpainarekin zerikusi zuzena duten pertsonak ere.

Ez dute parte hartzeko edo saria irabazteko eskubiderik izango LABORAL Kutxaren bezeroek, baldin eta:

- LABORAL Kutxaren aurrean berankortasun-egoeran edo beste edozein egoera irregularretan badaude zozketa indarrean dagoen bitartean, zozketa egiten den egunean edo saria emateko unean.
- LABORAL Kutxaren iritziz iruzurrez jokatzen badute zozketan.

6.- Irabazlea/ak eta ordezkioak aukeratzea, jakinarazpena eta saria ematea

Aurreko 3. atalean zehaztutako sariaren zozketa 2020ko abenduaren 7an egingo da, ausazko sistema informatiko bidez.

Bidezko arrazoia dela eta zozketa aipatutako egunean ezin bada egin, hurrengo egun baliodunean egingo da.

Saridunek LABORAL Kutxari berretsi beharko diote saria onartzen duten ala hari uko egiten dioten, telefonoz, posta elektronikoz edo bulegoetan sinatutako hartu-agiriaren bidez, saria argitaratzen eta/edo jakinarazten den datatik gehienez egun natural bateko (1) epean. Entitateak bere datu-basean dituen bezeroaren datuak erabiliko ditu.



Parte-hartzaileak sariari uko egiten badio edo berarekin harremanetan jartzerik ez badago 10 egun balioduneko epean —zozketaren egunetik zenbatzen hasita—, ez du ordainik jasotzeko eskubiderik izango. Bezero saridunak sariari uko egiten badio, berarekin harremanetan jartzerik ez badago 10 egun balioduneko epean —zozketaren egunetik zenbatzen hasita—, zozketaren baldintzak betetzen ez baditu edo lehenago azaldutako baimena ematen ez badu, saria ordezkoren zerrendako lehen postuan dagoenari esleituko zaio, zozketan parte hartzeko ordena errespetatuz. Gehienez hiru (3) ordezeko egongo dira. Saridunak ezingo du sariaren ordezkari beste bat eskatu.

Irabazlea hiltzen bada saria jaso aurretik, berariaz aukeratutako ordezkoari emango zaio saria.

7.- Sariaren zerga-sistema

Zozketa honetako sariak zerga-tratamendu hau izango du: Pertsona Fisikoen Errentaren gaineko Zergari buruzko 35/2006 Legean, 439/2007 Errege Dekretuan eta kasuan kasuko PFEZren inguruko zerga-araudian aurreikusitakoa. Sariari aplikatuko zaion zerga-atxikipenari dagokion zenbatekoa LABORAL Kutxak ordainduko du.

Horretaz gain, LABORAL Kutxak bere gain hartuko ditu zerga-administrazioaren aurrean dagozkion informazio-betebeharrak.

8.- Iruzkinek edo iritzia argitaratzea

Ez da onartuko desagokitzat hartzen den edukia duen iruzkin edo iritzirik, ezta iraingarria, laidogarria edo diskriminatzailea denik edo hirugarrenen eskubideak urra ditzakeenik ere. Era berean, ez da onartuko pertsona baten aurkako iruzkinik, baldin eta ohorerako, intimitate pertsonalerako eta familiarerako eta norberaren irudirako eskubidea urratzen badu. Ez dugu geure gain hartuko inolako erantzukizunik parte-hartzaileek zozketan egiten dituzten iruzkinen eragin ditzaketan kalteen ondorioz, nahiz eta horiek beste parte-hartzaile batzuen sentiberatasuna mindu.

9.- Erreserbak eta mugak

Iruzurra egin dela ulertuko da honako kasu hauetan, adibide gisa baina inolako mugarik jarri gabe: webgunearekin zerikusirik ez duten aplikazioen balizko erabilera detektatzen bada, zerbitzariari abusuzko kontsulta-kopurua egiten bazaio, eta itxuraz abusuzkoak edo/eta asmo txarrekoak diren portaerak antzematen badira.

Zozketan zehar aipatutako egoeraren bat egiaztatzen bada, parte-hartzailea zozketatik kanpo geratuko da automatikoki, eta saria eman bazaio, galdu egingo du.

LABORAL Kutxak ez du bere gain inolako erantzukizunik hartuko, baldin eta saridunek emandako datuetan akatsen bat badago eta horrek haien identifikazioa galarazten badu.

LABORAL Kutxak ez du bere gain hartuko inolako erantzukizunik saria ematean edo hori erabiltzean gerta litezkeen gorabeheren ondorioz, ezta berari ez dagozkion arrazoiengatik parte-hartzaileak saria jasotzean gerta litezkeen atzerapen edo hutsegiteen ondorioz ere.

Pertsonaren batek zozketaren manipulaziotzat edo faltsifikaziotzat har litekeen edozein egintza egiten badu, LABORAL Kutxak eskubidea izango du haren aurkako akzio judizialei ekiteko.

LABORAL Kutxak ez du bere gain hartuko inolako erantzukizunik zozketan parte hartzeko erabiltzen diren zerbitzuak aldi baterako erabiltzerik ez egoteagatik edo haien funtzionamendua eteteagatik, erabiltzaileek iruzurrez erabiltzeagatik eta, bereziki baina ez eskusiboki, Internet bidez orrialdeetan sartzean eta parte hartzeko erantzunak bidaltzean gerta litezkeen akatsengatik gertatzen diren kalte-galeren ondorioz.

LABORAL Kutxak eskubidea izango du zozketaren xede onerako aldaketak egiteko, horretarako bidezko arrazoiak daudenean edo zozketa oinarri hauetan jasotzen den moduan burutzea galarazten duten ezinbesteko arrazoiak daudenean.

LABORAL Kutxak eskubidea izango du zozketaren iraunaldia luzatzeko edo geroratzeko, baita oinarri hauek interpretatzeko ere.

Halaber, enpresa antolatzaileak ez du bere gain hartuko inolako erantzukizunik aipatutako kasuetako bat gertatzen bada edo saria baliatzean gerta litekeen kalte-galeren ondorioz.

10.- Datuen babesa

Zure datuen tratamenduaz arduratzen den enpresa LABORAL Kutxa da (IFZ: F-75076935; egoitza soziala: Jose Maria Arizmendiarieta, zk.g., 20500, Arrasate, Gipuzkoa).

Parte-hartzaileak lege-oinarri hauek onartzen baditu, ulertuko da badakiela LABORAL Kutxak bere datu pertsonalak tratatuko dituela, zozketan parte hartzea tramitzatzeko eta, irabazlea izanez gero, sariaren berri emateko, baita saridunaren izena eta/edo irudia argitaratu, erreproduzitu eta hedatzeko ere, LABORAL Kutxak egoki deritzen bitarteko, euskarri eta formatuen bidez (hala nola, adibide gisa



baina inolako mugarik gabe, prentsaren, irratiazen, telebistaren, Interneten eta abarren bidez), datu pertsonalak tratatzeko pertsona fisikoak babesteari eta datuen zirkulazio libreari buruzko 2016ko apirilaren 27ko 2016/679 Erregelamenduan (DBEO) eta datu pertsonalen babesari eta eskubide digitalen bermeari buruzko 2018ko abenduaren 5eko 3/29018 Lege Organikoan (DBLO) xedatutakoaren arabera. Aipatutako jarduera horiek ez dute ordainik edo onurarik jasotzeko inolako eskubiderik emango.

Datuak ikusteko, zuzentzeko, ezerezteko eta aurka egiteko eskubideak eta, era berean, datuen tratamendua mugatzeko eta beste leku batera eramateko eskubideak erabili ahal izango dituzu, zure nortasuna egiaztatuz (NANaren edo horren pareko agiria emanez) eta honako helbide elektroniko honetara idatziz:

protecciondatos@laboralkutxa.com; edo, bestela, ohiko postaren bidez honako helbide honetara idatziz: CAJA LABORAL POPULAR COOP. DE CRÉDITO, Jose Maria Arizmendiarieta, zk.g., 20500, Arrasate, Gipuzkoa.

Bezeroen Datu Pertsonalak Babesteko Politika osoa hemen irakur dezakezu:

<https://www.laboralkutxa.com/eu/datuen-babesa>.

11.- Oinarriak onartzea

Zozketan parte hartzeak berekin dakar oinarri hauek onartzea. Beraz, parte-hartzaileak adierazten badu oinarri hauek guztiak edo haietako batzuk ez dituela onartzen, zozketatik kanpo geratuko da. Ondorioz, LABORAL Kutxak ez du parte-hartzaile horrekin hartutako obligazioa betetzeko beharrik izango. Oinarri hauek www.laboralkutxa.eus webgunean kontsulta daitezke.

12.- Legeria aplikagarria eta jurisdikzioa

Lege-oinarri hauek Espainiako legearen arabera arautuko dira. Bergarako epaitegi eta auzitegiek izango dute eskumena oinarri hauen baliozkotasunaren, interpretazioaren edo betetzearen inguruan sor litezkeen erreklamazioak edo ezadostasunak ebazteko.

